

O Le Aso Leaga Tele a Tommy



Saunia e Gayle Kinney-Cornelius
(E faavae i se tala moni)

O lenei tala sa tupu i le ISA.

Sa nofo Tommy i luga o le sitepu pito i luma o lona fale ma mapuea. Oka se aso ina a leaga!

O lena taeao, sa masaa ai lana meaai o le taeao ia te ia lava. Na pau lava le ofuvae mama na ia maua e laititi tele. Sa tuai o ia i le aoga. Sa faanofo o ia e lona faiaoga i totonu mo le taimi e taalo ai ona sa galo ia

*"O le a na ona ou nofo ii ina ia leai se isi mea leaga e tupu,"
o le tala lea a Tommy.*

te ia lana tusi. Ona, ia toe foi atu lea i le fale mai le aoga, sa ia sulu i luga o le auala savali ma tiga ai lona tulivae. Ma ina ua alu o ia i fafo e taalo, sa pa le pa'u o lana uila. O mea uma lava ua le lelei!

"O le a ou nofo ii ina ia leai se isi mea leaga e tupu," o le tala lea a Tommy. Ae sa ia lagonaina le sili atu ona leaga ma sili atu le lelei o le umi na ia nofo ai.

Ona faalogoina lea e Tommy se pa'o manutinuti lata ane. Sa ia tepa ae i luga ma iloa atu Mr. Johnson o loo salu laulaau i lona fanua. O Mr. Johnson sa nofo na o ia i le fale na sosoo ai.

E le'i fiafia lava Tommy e salu laulaau. Sa ia matamata atu ia Mr. Johnson o taumafai e ao mai laulaau ma tuu i totonu o se taga lapoa. Ae sa na o ni nai laulaau laiti sa mafai ona tuu i totonu. Sa fai lava ma toe salalau laulaau i luga o le palapala.

. O loo matua faafaigata tele ia Mr. Johnson, o le mafaufau lea o Tommy. A salu e Tama ia laulaau, sa fesoasoani Tommy ia te ia e uu faafaamaga le taga. O le a matuai faigata lava mo na o se tagata e toatasi ona fai lena galuega.

*Aisea e le fesoasoani ai se tasi ia te ia?
Sa mafaufau ai Tommy.*

Ona iloa lea e Tommy se mea. E mafai ona ia fesoasoani!

Sa oso ese Tommy mai le sitepu ma savali atu i a Mr. Johnson. "E mafai ona ou uu ma faafaamaga lena taga mo oe."

"Oi, faafetai tele lava," o le tala lea a Mr. Johnson. "O lo'u tua ua le mafai na punou e pei ona masani ai."

Sa uu e Tommy le taga ma fesoasoani foi e faatumu le isi taga. Ona ia uu mai lea o se lako ma fesoasoani i le vaega na totoe o laulaau.

A o la galulue faatasi, sa faamatala e Mr. Johnson ni tala tausua ma tala malie. Sa ata Tommy seia oo ina tiga lona manava.



**O le a le mea na faia e Tommy
e faaleleia atili ai lona aso?**

E le'i umi ae amata ona galo ia te ia le masaa o lana meaai o le taeao, misi le taimi e taalo ai, ma le tiga o lona tulivae.

Ina ua valaau atu Tina ia te ia mo le 'aiga o le afiafi, na iloa ane e Tommy ua la saluina le fanua atoa. Ma sa o se mea fiafia!

"Faafetai mo iau fesoasoani." Na fai atu ai Mr. Johnson.

"E le afaina." Sa talotalo faatofa atu Tommy. "Feiloi i se taimi!"

Sa savali atu Tommy i totonu o lona fale ma nofo i lalo i autafa o Tama i le laulau ai.

"Na faapefea mai lou aso?" Na fesili atu ai tama ia te ia.

Sa ataata tele Tommy. "O se aso sili lenei!"